

佛咸依是言我等來此七寶坊中得大善利若我脫有少福德力願以此力令釋迦如來久住於世如是正典流布遍滿十方世界無有毀滅若有優婆塞優婆夷等持是經者令離一切憂愁怖畏無諸病苦爾時陀羅尼自在王菩薩言世尊今所說法無量無邊不可思議一切邪法不能傾動乃是一切善法之本三乘根栽復是一切諸法初門若有衆生來問我言是法何名云何受持當云何答唯願說之佛言善男子是名大悲說大悲法名如來業受菩薩記當如是持說是經已入天大衆歡喜頂戴信受奉行大方等大集經卷第四

位四

大方等大集經卷第五

位五

共涼天竺三藏曇無讖於姑臧譯

寶女品第二之一

尔時世尊故在欲色二界中間大寶坊中師子座上與諸大衆圍遶說法尔時會中有一童女名曰寶女即從座起右手執持白真珠

貴而作是言若我真實能於十方無量世界受持如是大集正典讀誦書寫演說其義廣流布者願此珠貫著佛頂髻及諸菩薩說是語已即擲珠貫以佛神力及以誠言珠貫即在如來頂上亦遍一切諸菩薩首而諸菩薩各各自於首貫珠中見其來世成佛之時所有世界菩提之樹衆生調伏及往願力了了見知見已各各生奇特想白佛言世尊是寶女者云何乃有如是無量大功德也我於無量阿僧祇劫所有誓願今於一念悉見了了佛言善哉善哉善男子實如所言是寶女者已於過去九萬六億那由他佛種諸善根發大善願所生之處常得真實是故是女凡所思念言無虛發若欲令此大千世界滿中寶華即言而有若言欲令滿此三千大千世界種種妙香轉輪王色四天王色天帝釋色梵天王色或沙門色婆羅門色或比丘色比丘尼色優婆塞色優婆夷色如言即得若風灾

起時轉爲火災火災起時轉爲水灾水灾起時轉爲風災如言即轉若有魔王將諸兵衆執持刀杖弓弩箭矢鉢稍戈楯欲令轉變成寶華者如言即成若於空曠無水多乏爲諸衆生發大誓願其中即有城邑聚落人民大小漿水無乏若願三千大千世界所有諸色

如如來色即如其言成佛妙色若言一切所有大衆悉住虛空言已即住善男子若是寶女欲於此處虛空之中遍聞十方諸佛所說如言即聞善男子寶女童女成就如是無量無邊諸大功德尔時寶女即於佛前說偈歎曰我今成就大寶聚 故能讚歎無上尊

遠離一切諸煩惱 具足大寶助菩提
如來具足無上寶 大光能照無邊世
無上寶幢佛世尊 我今獻寶以供養
碑礫碼碭青琉璃 金剛真珠日月寶
以如是寶供養佛 為令衆生成菩提
世尊身光勝諸寶 衆生樂見無疲厭

位大集五

處世一方見十方 令衆各見前有佛
有見如來身行住 或見坐卧及說法
或見默然無所宣 或見入定修智慧
如來一一毛孔光 能照十方諸世界
光明清淨最無上 猶如秋月淨蓮華
爾時寶女偈讚佛已復作是言世尊我今於
此大集經中欲少問義如來若許乃敢諮詢
佛言善哉善哉寶女隨意發問若有疑網我
當爲汝而除滅之尔時寶女即白佛言世尊
云何實語云何爲實云何法語云何爲法佛
言善哉善哉至心諦聽吾當爲汝分別解說
寶女菩薩摩訶薩有三種實何等爲三一者
不誑諸佛二者不誑己身三者不誑衆生云
何名爲不誑諸佛已身衆生寶女若有菩薩
發阿耨多羅三藐三菩提心已貪著聲聞辟
支佛乘是則名爲欺誑諸佛已身衆生云何
不誑寶女若有菩薩發阿耨多羅三藐三菩提
心已若在地獄受大苦惱若遇魔業邪見

同止若生惡國起惡煩惱身遇刀矟斫刺燒
炙於如是時終不捨離菩提之心不休不息
不畏不悔令菩提心遂更增廣爲諸衆生受
大苦惱見受苦者心更增廣勤修精進欲得
菩提不爲邪語之所誑惑一切邪風不能傾
動是名菩薩不誑諸佛已身衆生寶女若有

位大方五

三

菩薩不誑諸佛已身衆生是名菩薩真實之
寶寶女不誑諸佛復有四事一者其心堅固
二者住於至處三者具足勢力四者勤修精
進不誑己身亦有四事一者淨心二者至心
三者不誑四者不曲不誑衆生亦有四事一
者莊嚴二者修慈三者修悲四者攝取寶女

是名菩薩第一之寶菩薩寶者初發願時不
捨衆生復次寶女菩薩寶者不多語守護語
不麤語真實語若在獨處大衆王邊發言誠
實非爲財物而故妄語非爲自在而故妄語
若有三千大千世界滿中七寶尚不爲之而
生妄語況餘小事而妄語也寶女如是寶者

十二者淨口語復次寶女菩薩寶者凡所言
說口意相稱云何名爲口意相稱修習施故
獲得菩提非因慳貪而能得之是名意口相
稱而語能施一切名之爲寶修習淨戒獲得
菩提非因毀戒而能得之是名意口相稱而
語如戒而住名之爲寶修習忍辱獲得菩提

自三十二淨何等三十二者慚語二者功
德語三者愧語四者柔軟語五者不虛語六
者無譏呵語七者不貪著語八者不畏語九
者開諸惡道語十者開諸善道語十一者聖
行語十二者慧行語十三者內淨語十四者
外淨語十五者樂受語十六者樂聽語十七
者不忽語十八者微妙語十九者分別語二
十者妙音語二十一者純善語二十二者不
誑語二十三者不執語二十四者歡喜語二
十五者自勸喻語二十六者勸喻他語二十
十者不失語二十八者安隱語二十九者福
田語三十者如佛語三十一者實圓遼語三

非因瞋恚而能得之是名意口相稱而語具足修忍是名爲實勤行精進獲得菩提非因懈怠而能得之是名意口相稱而語修精進故名之爲實修習禪定獲得菩提非因亂心而能得之是名意口相稱而語修習定心名之爲實修於智慧獲得菩提非因愚癡而能

笑金

得之是名意口相稱而語修智慧故名之爲實三十七助菩提之法四無量心亦復如是復次寶女夫真實者所謂聖行聖行者苦無常行又復聖行所謂知苦遠集證滅修道知於五陰無出生相是名知苦五陰因者所謂愛結畢竟遠離不貪不著不讚不求不去不

來是名離集滅一切相然其滅時無一法滅不平等法作平等法是名證滅觀奢摩他毗婆舍那其相平等無覺無觀無有平等無繫無取無作無變是名修道真實了知如是等諦又能分別廣說其義是名菩薩摩訶薩實說是真實法時十千菩薩得真實忍復次寶

女法語者凡所演說依法而語觀法念法奉行於法行至處法求法欲法樂法修法法幢法杖莊嚴法器法燈法明法念法意法有法疑莊嚴瓔珞法牀法儀法護法財法無窮盡廣大無邊法事法身法口法意菩薩摩訶薩具足成就如是等法是名法語法者真實之

四

語守護法語教人供養父母和尚耆舊有德讚歎菩提及菩提道令人不捨菩提之心至心繫念不忘菩提不離莊嚴修菩提法親近賢聖善知識等修習信心專念聽法慕求正法勤於精進不貪著法知恩報恩樂於寂靜不斷聖種敎化頭陀勸行十善讚歎惠施一

住大集五

五

切善法願向菩提至心受持清淨戒律修習忍辱除去懈怠修淨禪定智慧方便慈悲喜捨修四真諦趣向於諦四無礙智得大神通隨順法施修四念處乃至修習八聖道分定慧二法得智解脫如法解說聲聞緣覺菩薩諸乘讚說一切所有福德當觀十二甚深因

緣分別空門無相無願無所畏懼說五陰如幻如化說十八界如虛空相說諸入性同於空性常說七財六念六敬解說具足六波羅蜜說六常行修六神通具足五眼說第一義流布世間成就業語一切衆生其心平等讚歎佛語寶女若有菩薩具足如是法語口終不說我語不說衆生語不說壽命語不說士夫語不說斷語不說常語不說有見語不說無見語不說兩斷語不着中語不語聚語不說滅語不說淨語不說偏語不覺知語不顛倒語不增疑心語不逆法語觀法界語破憍慢語說法菩薩如法而住如法而說實語法

語不斷語不折語說法菩薩一切世間不能共論見者怖畏法語菩薩能演說空無相無願不着三界及以諸有不從他乞無心意識無有塵垢無明無闇不繫屬他不繫屬自無高下不雜一切境界因緣清淨寂靜無有尊首難知難覺不可思惟不思惟行清淨智不滅無增無減無當有無已有非修非見非魔見非真實見非相非非相非一相而亦一相非有屋宅遠離屋宅非近非遠非離非別非縛非解非有漏非無漏亦非相似非苦非樂非具足非不具足非名非色非著非脫非破非完雖非金剛不可壞相真實如尔非近非遠無色無因亦非頑嚚非此非彼非內非外非自非他非見非聞非憶非忘非識非知非識境界非知境界寶女是名爲法若能廣說如是等法是名說法復次寶女法語菩薩不與一切世間諱竟不輕不慢於他未學心不輕笑不生高心不自讚歎不謗他說不以飲食爲他說法不遮他善令生疑惑見他犯罪終不說之於他法中不生輕賤不遮止他所修行法凡所說法不離於空無相無願終不分別一切法界不動法界不動實性不依字

位大集五

六

識人不了義雖不依止亦不誹謗於自他衆
不生分別亦不誹謗十二因緣非在世間淨
於世間非法淨法無貪無慳無有毀戒不捨
破戒無瞋無垢無有懈怠不失道心不忘菩
提爲欲莊嚴無上智慧不休不息心不生悔
於他法中心無妬嫉不以着於非修多羅謗

修多羅毗尼摩那亦復如是於正法所終不
見非不因於慢而增長慢不謗因果及業果
報於正法中心無退轉知恩念恩報之不忘
終不懷抱瞋恨之心不着我見不嫉他利於
怨親中無有二想得他譏刺終不報之不作
兩舌鬭亂彼此不懷詣曲顯異惑衆不爲他
喜受菩薩戒比丘戒比丘尼戒式叉摩那戒
沙彌戒沙彌尼戒優婆塞戒優婆夷戒住空
閑處思惟寂默勤心受讀十二部經不爲勝
他故受持守護如是等戒不爲供養現作知
足不爲顯他不知足故自修知足不言諸佛
無上菩提他之所作不造惡業邪惡活命不

大集五

捨七財不貪於食不斷聖種不誹謗他不自
讚歎於佛法中不作數量讚歎大乘心無厭
足是名法語尔時世尊復告寶女菩薩義者
云何名義所謂信心修莊嚴時無有虛誑爲
欲莊嚴一切善根至心專念修行善法破衆
生疑不求果報施諸衆生安隱快樂護持禁
戒不失忍心勤修精進增長善法修寂靜定
攝諸散亂具無上智破無明闇修習慈心等
諸衆生修習悲心隨衆所作親往營理修習
喜心施衆法喜修習捨心不觀苦樂捨財法
已心無悔悟所言柔軟壞衆惡心利益於他
具足甚深修行同事勸發大乘以是四攝調
伏衆生見一切行皆是無常苦空無我淨諸
煩惱依止於義不依於字依止於智不依於
識依了義經捨不了義依止於法不依於人
說義無礙無有窮盡而於法界無所分別說
辭無礙獲得解脫說樂說無礙如法而說莊
嚴惠施不知厭足莊嚴於戒善願成就莊嚴

多聞如法而作莊嚴功德具足相好莊嚴智慧知諸衆生上中下根差別之相莊嚴於定爲心清淨莊嚴於智得三種慧修四念處爲心不散亂修四正勤爲得善根修四如意往來諸方修習五根辯分別句修習五力爲壞煩惱修七覺分爲知諸法修八正道不爲惡

動修習神通爲不退失菩薩摩訶薩解如是義是名爲義若有菩薩能說是義是名說義復次寶女又復義者修習空定壞諸有法修習無相壞諸法相修習無願不求三界若能演說如是三空是名說義一切諸行不可修行是名爲義菩薩說是不可修行是名說義

斷一切生是名爲義菩薩若說諸法無生是名說義諸有無出是名爲義如是說者是名說義四真諦者名之爲義如是說者是名說義無我我所名之爲義如是說者是名說義字不可說名之爲義如是說者是名說義真實之義名之爲義如是說者是名說義一切

菩提之法不可稱計是名爲義菩薩摩訶薩如是說者是名說義多聞之人如法而住是名爲義如是說者是名說義一切諸乘大乘爲最是名爲義能如是說是名說義復次寶女無所分別名之爲義無有衆生亦無壽命一味不動不盡一事不生不出不來不去不滅不二不可覩見無有造作無爲無作心不詭曲三世平等三分無差不失不得不熱不冷不淨不穢不行如人不取不捨非道示道非常非斷亦非中道不瞋不濁不觀於法及以非法非一切字音聲詞語無心意識於貪瞋癡不生分別一切諸法作相有相空無相願是三即空真實入法等與不等皆悉平等因於智慧獲得解脫寶女菩薩若能具如是義是名爲義說如是義是名爲義寶女云何菩薩說於毗尼佛說毗尼凡有二種何等爲二者犯毗尼二者煩惱毗尼云何爲犯云何毗尼犯已尋覺不善思惟因於無明顛倒虛

妄欺誑煩惱着我衆生疑網之心不得解脫
掉悔憍慢放逸寡聞因如是等是名爲犯若
破疑心獲得解脫得解脫故見有犯處即是
非處亦非非處非身口意不取不捨不可覩
見非是身作及心口作若是三作即是滅法
位大集五
若是滅法誰作誰犯如犯一切諸法亦復如
九

是諸法無根無住無處若能破壞如是等疑
是名爲淨是名不熱隨師教作是名有信是
名有定是名毗尼云何煩惱云何毗尼十二
有枝所謂無明乃至老死是名煩惱性能調
伏一切煩惱是名毗尼何以故空無相願能
調諸法若法是空無有性相不可願者云何
而有貪恚癡等無作能調一切諸法若一切
法不可作者云何而有煩惱諸結一切諸法
從因緣生若從緣生云何可見見如是等十
二有枝亦知煩惱及煩惱相若是空智能觀
菩提即以此空空於煩惱若能觀察如是平
等是名毗尼若能如是演說義者是名菩薩

能說毗尼若是毗尼能知我者即是了知煩
惱毗尼云何名爲知我毗尼謂觀無我觀於
我性知我淨我實知我分別我空我修知我
不動不說不著不生不滅若能如是知於我
者即是了知煩惱毗尼若實無我而作我想
於無煩惱作煩惱想亦復如是若我本無煩
惱亦尔若有具足毗婆舍那則能如是觀察
了知是名知我煩惱毗尼煩惱者非過去未
來現在若能不作不念不求是名知於煩惱
毗尼毗尼亦非去來現在如心非色非內非
外亦非中間煩惱亦尔非色非內外及以中
間何以故無覺知故無諳競故無清淨故無
造作故若能如是知諸煩惱不出不滅是名
了知煩惱毗尼寶女菩薩若得如是等知煩
惱毗尼亦爲衆生說如是法是名菩薩演說
毗尼說是法時十千菩薩得無生忍尔時寶
女心大歡喜前白佛言世尊如來所說真實
法義及以毗尼不可思議若有菩薩能如是

說是人則能實知實見尔時舍利弗語寶女言汝今已具如是等法能演說不寶女答言大德舍利弗實名無貪無貪即義如是義者即不可說不可說者即是毗尼大德若如是者云何可說復次舍利弗實者即滅滅者即法法者即淨淨者即義義者即毗尼如是等

卷五

十

法無有文字若無文字云何可說大德實者即如如者即法法即無二無二即義夫無二亦不可調若不可調云何名調如是等法悉無所有若無所有云何可說舍利弗言汝今成就何等寶故立如是名名寶女耶答言大德有三十二菩薩寶心如是心中悉無聲聞

禁戒調毀戒故九者發心修忍破壞不忍憍慢惡心顛心醉心狂心放逸自在心故十者發心精進爲破解怠退悔心調伏懈怠諸衆生故十一者發心修定爲破亂心狂妄念爲令衆生獲得四禪及八解脫調伏欲界諸衆生故十二者發心修智破一切闇真實知見入於法界十三者發心爲知衆生平等無二皆一味故十四者發心爲得無貪無瞋利衰毀譽其心無二安住善法苦樂不動爲如是等護衆生故十五者發心爲得無怖無畏欲解甚深十二因緣離一切見十六者發心爲欲莊嚴智慧及以功德無有厭足十七者

十一

辟支佛心何等三十二者發心爲度一切諸衆生故二者發心爲令佛種不斷絕故三者發心爲持佛法不滅盡故四者發心守護僧故五者發心爲施衆生聖法之樂六者發心爲諸衆生修習大慈今衆遠離煩惱諸苦七者發心修習大悲捨内外物八者發心護持

發心爲欲不離見佛常聞法故十八者發心爲欲如聞而說十九者發心爲得廣大法聚心無貪慳二十者發心爲欲讚歎淨戒如聞而住教化慰喻毀禁人故二十一者發心爲破一切衆生七種慢故二十二者發心爲知

魔惡業二十四者發心爲施衆生安樂二十
五者發心爲欲壞破衆生所有衆苦心不生
悔二十六者發心爲欲具足成就得佛法故
二十七者發心爲知有爲之法一切無常苦
無我故知已不離心無厭悔二十八者發心
爲樂修習一切助菩提法二十九者發心爲

見空無相願以衆生故而不取證三十者發
心爲於雖畏諸有亦護諸有三十一者發心
爲於見生死過而不厭悔三十二者發心爲
於若近菩提受無上樂捨是妙樂爲衆生故
受貧窮苦舍利弗是三十二發心之寶悉無
聲聞辟支佛心是故菩薩名爲寶聚尔時世
尊讚寶女言善哉善哉汝真實說菩薩摩訶
薩發菩提心而菩提心成就無量無邊功德
不可齊說三十二事何以故非聲聞寶能得
佛寶非緣覺寶能得佛寶以菩薩寶能得佛
寶得佛寶已則得聲聞辟支佛寶菩薩佛寶
是故菩薩名爲寶聚尔時舍利弗白佛言出

尊寶女所說不可思議我觀其說是女似得
四無礙智佛告舍利弗汝今方謂是女未得
四無礙耶是女久已成就具足寶女說法字
不可盡文句義味亦不可盡時舍利弗語寶
女言仁者今當廣分別說四無碍智於一切
法悉成其事大德菩提心者名無礙句何以

故菩提心中攝諸義法是名義無礙智一切
法界入菩提心是名法無礙智實無文字而
說文字是名辭無礙智不可說法說不斷絕
是名樂說無礙智義不可說名義無礙一切
諸法皆如幻相名法無礙無言說業名辭無
位大集五礙於六入界無有障礙名樂說無礙了達於

士
義名義無礙樂於寂靜名法無礙字不合法
法不合義名辭無礙說即是聲名樂說無礙
如來正覺即菩提義名義無礙菩提義者能
得義名樂說無礙法可作句名辭無礙說已
得義名樂說無礙法義者名義無礙解脫者
名法無礙演說法相非有法性名辭無礙分

別法界及非法界名樂說無礙僧即無爲名義無礙諸僧一味名法無礙和合僧故名辭無礙說僧功德名樂說無礙大德是四無礙遍一切法時舍利弗言世尊是女人者發心已來爲久近耶在何佛邊種諸善根佛言舍利弗過去無量阿僧祇劫爾時有佛號分別見如來應正遍知明行足善逝世間解無上士調御丈夫天人師佛世尊土名大淨如兜率天與菩薩僧七萬六千一切皆是清淨梵行得不退轉隨羅尼門尔時有轉輪聖王名淨德報王千世界而得自在後宮妹女八萬四千千子具足其力皆等蓮華力士尔時聖

寶而散佛上頭面作禮長跪合掌口宣是言世尊我今所設供養之具頗復更有殊勝供養勝我者不時佛答言大王有異供養勝諸千萬分不及其一王言世尊是何供養願樂欲聞唯願說之尔時世尊即說偈曰

如恒河沙等世界 蒲中妙寶持用施
雖有如是無量福 不如憐愍發菩提
無量億等恒沙佛 淨妙華香以供養
如是福德猶不如 如是發心即爲施
如是發心即爲施 發菩提心七不退
若爲憐愍發大心 戒忍精進禪智慧
其福無量不可盡

王於三萬六千億歲種種供養佛及菩薩所謂房舍卧具衣服飲食病瘦醫藥舍利弗言世尊不審彼佛壽命幾時舍利弗其佛壽命蒲十中劫時轉輪王與其後宮眷屬姝女及外人民九萬二千億那由他賣持種種無量無邊供養之具往至佛所以八千億上妙珍

上色力財上族姓 是人乃能發菩提
主千世界至梵天 得大自在乃能發
若樂喜樂善提心 如是乃能斷惡有
能爲人天聞正路 能閉八難邪喫徑
諸根具足不盲聾 皆由至心發菩提
能見十方諸世尊 能開天上甘露味

若能至心發菩提 是人能破疑惱慢
無量智慧得自在 能爲衆生說法界
衆生見之如父母 亦如良醫師友想
能療衆生煩惱病 教誨令趣菩提道
余時聖王聞佛說是發菩提心所得功德其
心歡喜踊躍無量與其眷屬内外人民悉發

阿耨多羅三藐三菩提心即於佛前而說偈言
我今憐愍於衆生 是故發此菩提心
若欲獲得大自在 不應於此生退轉
生死無量受苦惱 而於自他無利益
寧發此心受大苦 非以不發受安樂
若有衆生發菩提 即得人天聖王樂
亦得寂靜無漏樂 及得無上菩提樂
最上慧忍三昧定 具四無量及六度
三種淨慧六神通 四無礙智大自在
無上十力四無畏 及三念處及大悲
成就具足十八法 如是皆由發菩提
能動十方諸世界 亦知十方衆生心

能度無量諸衆生 皆由發於菩提心
舍利弗說是偈時四萬夫人無量衆生皆發
阿耨多羅三藐三菩提心余時聖王復於萬
億年中供養彼佛供養佛已厭世出家既出
家已思惟四句一者實句二者法句三者義
句四者調句於一億年常思如是四句之義
舍利弗汝知余時轉輪聖王豈異人乎即寶
女是也舍利弗言世尊何業緣故受是女身
佛言舍利弗一切菩薩不以女業而受身也
乃以神通智慧之力示女身耳爲欲調伏諸
衆生故舍利弗汝今實謂寶女菩薩是女身
耶莫造斯觀何以故受女身者即是慧力神
通之力舍利弗是女父已於無量劫中離男
女身如是身者非是過去亦非未來現在此
身即方便身是方便身化此世界九萬二千
諸女人等發阿耨多羅三藐三菩提心是故
示現是方便身余時寶女語舍利弗大德汝
今能以女人之身說正法耶舍利弗言我於

男身尚生厭悔況女身乎舍利弗汝於男身生厭悔耶舍利弗言如是如是大德是故菩薩勝諸聲聞辟支佛等何以故汝諸聲聞所厭悔處菩薩於中受樂不悔聲聞之人不求諸有菩薩於中甘樂受之聲聞之人於諸功德生知足想並菩薩之人無有厭足聲聞之人厭離煩惱菩薩之人處而不懼

十五末

舍利弗言寶女菩薩之人有何等力以是力故心無厭離寶女答言大德菩薩摩訶薩有八種力處之無厭何等爲八一者慈力心無礙故二者悲力爲調伏故三者實力不誰諸佛已身衆生故四者慧力離煩惱故五者方便力心不悔故六者功德力無所畏故七者智力壞無明故八者精進力破放逸故是名八力菩薩具足如是八力其心不悔舍利弗言寶女汝今已具足是八力耶答言大德言具足者即是顛倒顛倒者即是二相二相者即是具有爲有爲者即無所有無所有者即是平等大德若平等者云何有力云何無力云何可說一二之數大德一切諸法皆如虛空而是虛空不可說內

不可說外不可說明不可說間一切諸法亦復如是若一切法同虛空者云何可說有力無力二之數大德菩薩摩訶薩亦有力亦無力云何有力云何無力無煩惱力有智慧力無慳惜力有惠施力無被戒力有持戒力無瞋恚力有忍辱力無懈怠力有精進力無亂意力有禪定力無無明力有智慧力是故菩薩遠離惡法修習善法是故菩薩無惡法力有善法力尔時世尊讚寶女言善哉善哉若有善男子善女人能如是說即是實說寶女菩薩說是法時五百菩薩成就忍心

大方等大集經卷第五

位五

大方等大集經卷第六

位六

寶女品之二

北涼天竺三藏曇無讖於姑臧譯

列傳仲利

余時寶女復白佛言世尊如經中說如來具足十神力者爲即十力是世尊耶爲離十力有世尊乎若即十力是世尊者是名二法若